


千  
金  
方  
衍  
義

中武  
176  
32





門武  
第 176  
卷 32



孫真人千金方衍義卷二十五

長洲張 璐路玉著

南沙席世臣郢客校

備急方

凡四類

卒死第一

方八十七首  
鍼灸法十首

治卒死無脈無他形候陰陽俱竭故也治之方

牽牛臨鼻上二百息牛舐必瘥牛不肯舐著鹽

汁塗面上牛即肯舐

衍義

卒死陰陽離決借生氣流動以鼓舞之也

又方



牛馬屎絞取汁飲之無新者水乾者亦得後

方云乾者以人尿解之此扁鵲法

衍義馬通止血解毒然須溫灌以通之

又方

炙熨斗熨兩脇下解急方云又治屍厥

鍼灸法

鍼間使各百餘息又灸鼻下人中一名鬼客鼻

肘後方云又治屍厥

治魘死不自覺者方

慎燈火勿令人手動牽牛臨其上即覺若卒不

能語取東門上雞頭為末以酒服之

治卒魘死方

搗韭汁灌鼻孔中劇者灌兩耳仲景云灌口中

治鬼魘不悟方

伏龍肝為末吹鼻中

又方

皂莢為末如大豆許吹鼻中嚏則氣通起死回

生集驗方云治中惡

辟魘方

雄黃如棗大繫兩腋下令人終身不魘女繫右腋



又方

灸兩足大趾叢毛中各二七壯肘後云華佗法又救卒死中惡

治中惡方

葱心黃刺鼻孔中血出愈肘後方云使目中血出佳崔云男左女右

又方

大豆二七粒為末雞子黃并酒相和頓服

又方

使人尿其面上可愈肘後方云此扁鵲法

衍義 魘寐乃陰邪濁惡之患故以辟邪為務

又方

灸胃腕五十壯愈

治中惡并蠱毒方

中冷水和伏龍肝如雞子大服之必吐取吐為效

又方

猪脂二升溫頓服之

又方

車軸脂如雞子大酒服

治卒忤方

此病即今人所謂中惡者與卒死鬼擊亦相類為治皆參取而用之

鹽八合以水三升煮取一升半分二服得吐即

愈備急方云治鬼擊 若小便不通筆頭七枚燒末水和



服之即通

又方

犢子屎半盞酒三升煮服之亦治霍亂肘後方治鬼擊

又方

書墨為末水服一錢七

又方

臘月野狐腸燒末以水服方寸七死鼠灰亦佳

衍義

中惡客忤皆濁惡之氣遏伏清陽咸以取吐為效吐中便有發越之義

灸法 治卒忤死

灸手十指爪下各三壯餘治同上方

備急方云治卒死而

張目反折者

又灸人中三壯肩井百壯間使七壯

巨闕百壯

還魂湯 治卒感忤鬼擊飛尸諸奄忽氣絕無復

覺或已死咬口口噤不開去齒下湯湯入口不

下者分患人髮左右足踏肩引之藥下復增取

盡一升須臾立甦方

麻黃 三兩

桂心 二兩

甘艸 一兩

杏仁 七十枚

右四味咬咀以水八升煮取三升分三服

仲景方桂不用

掃葉山房



衍義

此即傷寒論太陽例中麻黃湯以桂心易桂枝入肝以招其魂麻黃入肺以通其魄杏仁入絡以降其逆甘艸入府以緩其暴暴逆散而魂魄安矣治卒中鬼擊及刀兵所傷血漏腹中不出煩滿欲

絕方

雄黃粉一匁圭酒服日三血化為水

治鬼擊病方 鬼擊之病得之無漸卒著人如刀

刺狀胸脇腹內絞急切痛不可抑按或即吐血

或口鼻血出或下血一名鬼排

雞屎白如棗 青麻花一把

右二味以酒七升煮取三升熱服須臾發汗若不

汗熨斗盛火灸兩脇下使熱汗出愈

又方

艾如雞子大三枚以水五升煮取二升頓服

又方

吹醋少許鼻中

衍義

鬼擊與中惡卒忤總是一類取吐與出汗亦總是一類醋吹鼻中收攝神氣之亂也

灸法

灸人中一壯立愈不瘥更灸又灸臍上一寸



七壯及兩踵白肉際取瘥 又灸臍下一寸三壯

治五絕方 夫五絕者一曰自縊二曰墻壁壓進三日溺水四曰魘寐五日產乳絕

半夏一兩細下篩吹一大豆許內鼻中即活心  
下溫者一日亦可治

治自縊死方

凡救縊死者極須按定其心勿截繩手抱起徐徐解之心下尚溫者以氈氈覆口鼻令兩人吹其兩耳

又方

強臥以物塞兩耳竹筒內口中使兩人痛吹之塞口傍無令氣得出半日得噫噫即勿吹也

又方

搗皂莢細辛末如胡豆大吹兩鼻中

又方

刺雞冠血出滴著口中即活男雌女雄

又方

雞屎白如棗大酒半盞和灌口及鼻中佳

又方

皂莢為末以葱葉吹入兩鼻中逆出更吹



又方

梁上塵如大豆許各內一小竹筒中四人各捉一筒同時吹入兩耳兩鼻即活

又方

尿鼻口眼耳中并捉頭髮一撮如筆管大掣之

立活

又方

雞血塗喉下

又方

藍青汁灌之

衍義

縊死恐其氣脫故須塞耳吹鼻但取通氣勿使泄氣也捉髮掣之引其氣升刺雞冠血灌青藍汁取其辟惡

其辟惡

又方

灸四肢大節陷大指本文名曰地袖各七壯

治熱暈方

取道上熱塵土以壅心上少冷即易氣通止

又方

令暈人仰臥以熱土壅臍上令人尿之臍中温

即愈



又方

可飲熱湯亦可內少生薑橘皮甘艸煮飲之稍稍咽勿頓使飽但以熱土及熬灰土壅臍上佳

又方

濃煮蓼取汁三升飲之即愈不瘥更灌

又方

開死人口令通以暖湯徐徐灌口中小舉死人頭令湯入腹須臾即蘇

又方

使人噓其心令暖易人為之

又方

天抱狗子若雞著心上熨之

又方

屋上南畔瓦熱熨心冷易之

又方

灌地漿一盞即愈

又方

地黃汁一盞服之

又方

水半升和麩一大抄服之



衍義

暍是虛陽暴脫故須溫順以回其陽氣蘇之後神氣未清方可用地漿地黃汁水麴等以調之既甦煩渴不解者則以蓼汁飲之

治落水死方

以竈中灰布地令厚五寸以甌側著灰上令死者伏於甌上使頭小垂下炒鹽二方寸七內竹管中吹下孔中卽當吐水水下因去甌下死者著灰中壅身使出口鼻卽活

又方

掘地作坑熬數斛灰內坑中下死人覆灰溫徹卽易勿令大熱博人灰冷卽易半日卽活

又方

取大甌傾之死人伏其上令死人口臨甌口然葦火二七把燒甌中當死人心下令咽出小入死人鼻口中水出盡則活火盡復益之常以手候死人身及甌勿令其熱當令火氣能使死人心下足得暖卒無甌者於岸側削地如甌空下如竈燒令暖以死人著上亦可用車轂爲之勿令隱其腹令死人低頭水得出并炒灰數斛令暖以粉其身濕更易



又方

埋死人暖灰中頭足俱歿惟開七孔

又方

倒懸死人以好酒灌鼻中又灌下部又醋灌鼻亦得

又方

竈中灰二石埋死人從頭至足出七孔即活

又方

綿裹皂莢內下部中須臾出水

又方

裹石灰內下部中水出盡即活

又方

倒懸解去衣去臍中垢極吹兩耳起乃止

又方

熬沙覆死人面上下有沙但出口鼻耳沙冷濕

即易活

又方

屈兩脚著生人兩肩土死人背向生人背即負

持行走吐出水便活

又方



解死人衣灸臍中凡落水經一宿猶可活

治冬月落水凍四肢直口噤尚有微氣者方

以大器中熬灰使暖盛以囊薄其心上冷即易  
心暖氣通目得轉口乃開可溫尿粥稍稍吞之  
即活若不先溫其心便持火炙身冷氣與火爭  
即死

術溺死救急無論何法但取溫暖去水及吹孔通竅  
助其流動而已

治凍爛瘡方

猪後懸蹄以夜半時燒研細篩以猪脂和傅亦

治小兒

術以血肉之燼散血肉之滯

治入水手足腫痛方

搗生胡麻薄之

術取其質潤性燥以溫肌腠中冷濕也

治酒醉中酒恐爛五臟方

以湯著槽中漬之冷復易夏亦用湯

又方

搗茱萸根汁飲三升

又方



凡醉不得安臥不動必須使人搖轉不住特忌  
當風席地及水洗飲水交接

治飲酒頭痛方

竹茹五兩以水八升煮取五升去滓令冷內破  
雞子五枚攪勻更煮二沸飲二升使盡瘥

治飲酒腹滿不消方

煮鹽湯以竹筒灌大孔中

治飲酒中毒方

煮大豆三沸飲汁三升

又方

酒漬乾椹汁服之

治酒病方

葱白

豉各二升

右二味以水四升煮取二升頓服

衍義濕熱泛濫於心胸中令人煩悶頭痛故用葱豉以

發越之

治飲酒房勞虛受熱積日不食四月中熱飲酒不

已酒入百脈心氣虛令人錯謬失常方

芍藥

人參

白薇

栝蔞根

枳實

知母

各二兩

掃葉山房



甘艸一兩

生地黄八兩

酸棗仁半升

茯神三兩外臺作茯苓

右十味咬咀以水一斗煮取三升分三服

衍義

夏月耽嗜太過令人錯謬失常皆由精神血氣離散所致故用芍藥地黃滋斂陰津人參甘艸培養陽氣枯萸知母解渴除煩棗仁茯神收攝精神白薇枳實宣通胃氣虛火退而精津復神氣安而錯謬除矣

治連月飲酒咽喉爛舌上生瘡方

大麻仁升

黃芩

二兩肘後千金翼方俱作黃蘗

右二味為末蜜和丸含之

治酒醉不醒方

飲葛根汁一斗二升取醒止

肘後云治大醉連日煩毒不堪

衍義

酒醉不醒濕熱漸漬於中外而致骨稟筋弛故取葛根大開肉理以泄之然惟形氣充盛者為宜若稟質清癯者服之未免津隨汗脫又未可一例而施也

飲酒令人不醉方

柏子仁

麻子仁

各二兩

右二味治下篩為一服進酒三倍



衍義 柏子仁益氣安五臟久服令人潤澤美色耳目聰明麻子仁補精益氣久服令人肥健皆本經主治其功並載仙經豈特飲酒不醉而已

又方

葛花

小豆花

等分

右二味合為末服三方寸七飲時仍進葛根汁芹汁及枇杷葉飲並能倍酒

衍義

葛花開發胃氣豆花通利小腸上下分解濕熱之氣也然惟胃氣充實者足以勝之

又方

九月九日菊花為末臨飲服方寸七

又方

小豆花葉陰乾百日為末服之

又方

五月五日取井中倒生艸枝陰乾為末酒服之

飲酒令無酒氣方

乾蔓菁根二七枚三遍蒸為末取兩錢許酒後

又水服

治惡酒健噴方

空井中倒生艸燒灰飲之勿令知



義初 倒挂艸生陰柔濕土之上足以制攝陽剛用以燒  
灰飲之密令性氣下降可無上擾之患矣

又方

取其人牀上塵和酒飲之

斷酒方

柳花

臘月鼠頭灰

右二味等分爲末黃昏時酒服一杯

又方

白猪乳汁一升飲之永不飲酒

又方

鷓鴣屎燒灰水服方寸匕永斷

又方

蟻螬乾搗末和酒與飲永世聞酒名卽嘔神驗

又方

刮馬汗和酒與飲終身不飲

又方

虎屎中骨燒末和酒與飲

又方

白狗乳汁酒服之

又方



臘月馬腦和酒服之

又方

驢駒衣燒灰酒飲方寸匕

蛇蟲等毒第二

論六首 灸法二首

方一百二十七首

治因熱逐涼睡熟有蛇入口中挽不出方

以刀破蛇尾內生椒二三枚裹著須臾即出

後肘

方云艾灸蛇尾即出若無火以刀周而割蛇尾截令皮斷乃將皮倒脫即出

治蛇入口中并七孔中者方

割母猪尾頭滴血著口中即出

又方

以患人手中指等截三歲大猪尾以器盛血傍

文蛇瀉血口中拔出之

衍義

蛇性善竄拔之最難非借猪尾善動之熱血助其潤澤之勢不能抑之倒出但首法大險難以輕試

治卒為蛇繞不解方

又以熱湯淋之無湯令人尿之

治蛇蝎螫方

服小蒜汁滓薄上

肘後方云治蝮蛇螫

又方

熟搗葵取汁服之



治蛇嚙方

人屎厚塗帛裏即消

治蛇毒方

消蠟注瘡上不瘥更消注之

又方

以母猪耳中垢傅之

肘後方云牛耳中垢亦可傅之

治蝮蛇毒方

以射罔塗腫上血出即愈

又方

生麻楮葉合搗以水絞去滓漬之

又方

令婦人尿瘡上

父苗治小兒瘡無不愈

又方

末薑薄之乾即易

一七風麻散之

又方

雞屎二七枚燒作灰投酒中服之

又方

以麵圍上令童男尿著中燒鐵令赤投中冷復

又燒著一二度瘥

又方



雄黃爲末傅之日一易

又方

鹽四兩水一斗煮十沸沸定以湯浸冷易之

又方

紫莧搗取汁飲一升以滓封瘡上以少水灌之

又方

梳中垢如指大長一寸尿和傅之

又方

取合口椒同葫荑苗等分搗傅無不瘥

又方

用銅青傅瘡上

又方

搗大蒜和胡粉傅之

又方

嚼大豆葉塗之良

又方

猪脂和鹿角灰塗之

又方

炙梳汗出熨之

術

上皆解蛇傷毒方廣列以便採用



治諸蛇毒方

雄黃

乾薑

各等分

右二味為末和射罔著竹筒中帶行有急用之入山艸辟眾蛇方

雄黃

乾薑

麝香

各等分

右三味搗為粗末以小絳袋盛帶之男左女右蛇毒塗瘡集驗方云如無麝香以射罔和代之救急方云以蜜和為膏傅瘡處良

又方

常燒殺羊角使烟出蛇則去矣

衍義

上三方皆預備辟蛇之法

治蛇螫人瘡已愈餘毒在肉中淫淫痛癢方

大蒜

小蒜

各一升

右二味合搗以熱湯淋汁灌瘡大良

治蛇骨刺人毒痛方

鐵精如大豆許內管中吹入瘡中良

又方

燒死鼠為末傅之

衍義

大小蒜皆氣味辛烈能通諸竅辟邪鬼消腫毒

鐵精至陰之性得純陽火煉而輕浮上升故可拔陰邪之毒



治衆蛇螫方

灸上三七壯無艾以火頭稱瘡孔大小蒸之

治虎咬瘡方

濃煮葛根汁洗十數遍及搗為散以葛根汁服  
方寸七日五甚者夜二

又方

青布急捲為繩止一物燒一頭燃內竹筒中注  
瘡口熏之妙

又方

煮鐵合濃洗瘡

又方

嚼生栗子塗之良

辟虎法

凡入山燒水牛殺羊角虎狼蛇皆走

前義

虎稟陰毒之性動則生風傷人最暴陰毒匿於身

中非葛根之起陽氣解諸毒不能升發使之外解

然須生者尤良 其用青布捲熏取藍之清熱解

毒藉火氣以宣散之也 外用鐵煎洗之鎮攝其

毒不令熾發 生栗拔毒嚼罨塗之以其能出箭

頭惡刺比類而推以用之也



論曰凡見一切毒螫之物必不得起惡心向之亦不得殺之若輒殺之於後必遭螫毒治亦難瘥慎之慎之

### 治蠍毒方

凡蠍有雌雄雄者痛止在一處雌者痛牽諸處若是雄者用井底泥塗之濕則易雌者用當瓦屋溝下泥傳之若值無雨可用新汲水從屋上淋下取泥

又方

取齒中殘飲傳之又猪脂封之又射罔封之又

天礪砂和水塗上立愈

### 治蠍螫方

若著手足以冷水漬之水微暖即易之著餘處亦者冷水漬故布揜之少暖則易

又方

生烏頭為末唾和傳之

衍義

蠍稟東北方之毒氣最銳人被其毒則以井泥漏土傳之風得土實則不能通得水漬則不能起皆相制之義其用射罔之毒辟之礪砂之烈以攻之又以烏頭末唾傳之取同氣之應以宣散之也世



有用新木椀合蜈蚣末傅亦取同氣之治以蜈蚣善能截風也

治蜂螫毒方

取瓦子摩其上唾二七遍置瓦子故處

治蜂螫方

猪脂

蜜各半

蠟二兩

右三味和煎如膏候冷以塗之

又方

燒蜂房爲末猪膏和塗之

肘後方云先煮蜂房洗之又燒塗之

又方

酥脂塗之立愈

又方

燒牛屎灰以苦酒和塗之

又方

齒垢塗之

又方

醇醋沃地取泥塗之

又方

嚼鹽塗之

又方



以人尿新者洗之

又方

尿泥塗之

術義

蜂之腰細而毒鐘於尾螫人則刺留肉中但取蜂房燒末塗之即消一種釀蜜之蜂其毒稍遜則以猪脂蜜蠟塗之即以其毒治其毒也

論曰凡蠮螋蟲尿人影著處便令人病瘡其狀身中忽有處是痛如芒刺亦如刺蟲所螫後起細瘡癩作聚如茱萸子狀四邊赤中央有白膿如黍粟亦令人皮肉急舉身惡寒壯熱劇者連起竟腰脇胸治之法

初得之摩犀角塗上止其毒治如火丹法余以武德中六月得此疾經五六日覺心悶不佳以他法治不愈又有人教畫地作蠮螋形以刀子細細盡蠮螋腹中取上就中以唾和成泥塗之再塗即愈方知天下萬物相感莫曉其由矣

治蠮螋尿方

殺羊髭燒灰臘月猪脂和封之

又方

搗鼓封之

又方



醋和胡粉塗之

治蠹蝮尿瘡方

燒鹿角爲末以苦酒和傅瘡上已有汁者燒道  
傍弊蒲席傅之

又方

槐白皮半斤切以苦酒二升漬半日刮去瘡處  
以洗日五六遍仍以赤小豆末以苦酒和傅之  
燥復易小兒以水和

又方

嚼大麥以傅之日三

又方

燕窠中土以豬脂和傅之

又方

熟嚼梨葉以水和塗燥復易之

又方

馬鞭艸搗爛以傅上燥則易之

又方

取吳茱萸東行根下土醋和塗之

衍義

蠹蝮生於暗濕性稟陰毒其尿著人則發瘡癩腐  
敗成瘡治以豉封小豆大麥等類方雖不一俱消



毒散腫之用其胡粉醋燕泥脂調並取收攝濕毒  
與今人醋磨鐵銹同意羊髭鹿角皆成瘡後治法  
治三種射工蟲毒方

論曰江南有射工毒蟲一名短狐一名蜮其蟲形如

甲蟲

外臺云正黑狀如犬飛生

無目利耳有一長角在口前如弩

以氣爲矢因水勢以射人人聞其在水中鈸鈸作聲  
要須得水沒其口便以口中毒射人此蟲畏鵝能  
食之其初見證有似傷寒先惡寒際瘳寒熱筋急亦  
似中風便口噤不能語且小蘇晡輒劇寒熱悶亂是  
其證也如得三四日急治之治稍遲七日死射著人

影者不卽作瘡但惡寒際瘳自非其地之人不知其  
證便謂傷寒每多誤治及成瘡似蠛蠓尿亦似癩疽  
瘡射工中瘡有三種其一種瘡正黑如黛子皮周邊  
悉赤或衣犯之如有芒刺痛其一種作瘡久久穿或  
晡間寒熱其一種如火灼烟起似此者最急數日殺  
人中人頭面又急腰已上去人心近多死腰已下稍  
緩不治亦死

備急方云有四種其一種突起如癰

治射工中人寒熱或發瘡在一處有異於常者方  
取鬼臼葉一把漬苦酒中熟搗絞汁服一升日

三



又方

取生吳茱萸根葉一握斷去前後取中熟搗以水二升煮取七合頓服

又方

取胡荽切貼瘡灸七壯

又方

取蜈蚣大者一枚火炙治為末苦酒和傅瘡上

又方

取赤莧菜熟搗絞取汁每服一升日四五服

又方

取白雞屎白者三枚湯和塗中毒處

又方

升麻 三升

烏扇根

犀角 各二兩

右三味咬咀以水四升煮取一升半去滓分再服相去如一炊頃盡更作

治射工中人三種瘡方

升麻 二兩

烏扇根 三兩

右二味咬咀以水三升煮取一升適寒溫盡服滓薄上

治射工中人已有瘡者方



取芥子搗爛苦酒和厚塗瘡上半日痛便止

又方

取狼牙葉冬取根搗令熟傅所中處又飲四五  
合汁

五香散 治嶺南毒氣惡核射工中人暴腫生瘡

方

甲香

犀角

鱉甲

升麻

薰陸香

丁香

沉香

烏嬰

青木香

川連

黃芩

羚羊角

甘艸

牡蠣

吳茱萸

川柏

六分

右十六味治下篩中射工毒及諸毒皆水服方寸  
七日二并以水和少許洗之仍以雞子白和塗腫  
上乾則易

野葛膏 治射工惡核卒中惡毒方

野葛

一升

巴豆

烏頭

川椒

各半升

茵芋

躑躅

附子

丹砂

各一兩

雄黃

大黃

各七兩



右十味治下篩以不中水猪膏三斤煎三上三下  
去滓內丹砂雄黃末攪至疑似棗核大摩痛上勿  
近眼凡合名膏皆無令產婦女人小兒雞犬六畜  
見之惟宜清淨

義衍五香通竅散血三黃分解毒熱升麻吐蠱毒諸邪  
烏扇散咽喉結氣吳萸逐風痺止痛甘艸解中外  
邪毒鱉甲除堅積寒熱牡蠣稟堅消腫犀角散血  
解毒羚羊角散惡血蠱毒辟一切不祥乃射工之  
專方無出其右 野葛膏彙集諸毒爲外摩之首  
藥 其餘小方總不出辟除惡毒也

治沙蝨毒方

蟹螯一枚或二枚熬爲末服一大枚燒令煙絕  
爲末著瘡中

又方

大蒜十枚合皮安熱灰中炮令熟去皮刀斷蒜  
頭取熱著毒處

又方

麝香

大蒜

右二味合搗以羊脂和著小筒中帶欲用取傳瘡  
上



又方

雄黃

硃砂

恆山各等分

右三味取五月五日日中時令童子合之取傅瘡上

衍義

沙蟲射工總是一類或用蟹螯燒傅或用煨蒜熱

熨 或用蒜麝羊脂搗塗 或雄黃硃砂恆山合

傅蓋蟹螯能治鬼疰蠱毒大蒜辟惡除邪麝香去

三蟲蠱毒雄黃殺毒蟲蝨硃砂攝伏諸邪恆山吐

痰結蠱毒隨便取用原無分於彼此也

治石蛭方

山水中陰濕艸木上石蛭著人則穿齒人肌膚行人肉中浸淫噴起如蟲行道

之狀

凡行山路艸木中常以臘月猪膏和鹽塗脚脛

及足趾間趺上及著鞋鞋蛭不得著人也已著

者炙斷其道即愈

衍義

石蛭生於黔陽乃濕熱所化土人以鹽化之并取

臘月猪脂引入蟲口也

治水毒方

論曰凡山水有毒蟲人涉水之時中人似射工而無

物其初得之惡寒微頭痛目匡疼心中煩懊四肢振

嗽腰背百節皆強兩膝痛或翁翁而熱但欲眠睡旦



醒暮劇手足逆冷至肘膝二三日腹中生蟲蝕人下部臍中生瘡不痛不癢令人不覺不急治過六七日下部出膿潰蟲上食人五臟熱盛毒煩下利不禁八九日雖良醫不能治矣其毒有陰陽之異覺得之急早視其下部若有瘡正赤如截肉者為陽毒最急若瘡如鯉魚齒者為陰毒猶小緩要皆殺人不過二十日也欲知是中水與非者當作五六升湯以小蒜五升切投湯中消息勿令大熱去滓以浴之是水毒身當發赤斑無是者非也

解水毒飲子 治人急中水毒手足指冷或至肘

膝者方

吳茱萸升

生薑切一升半

犀角

升麻

橘皮各二兩

烏梅十四枚

右六味咬咀以水七升煮取二升分二服

衍義

此方藥非峻烈而辟邪解毒如鼓應桴不獨治水毒也南粵蠱毒之鄉初覺中害即以此儘力探吐其毒便解又凡牛馬食艸中蛇虺之毒脹死急以此灌之皆可救活方中吳茱萸下氣辟邪除濕止痛生薑辟一切不正之氣犀角散惡血解諸毒蠱症升麻辟除瘴癘蠱毒入口皆吐出橘皮下氣通



神逐穢惡諸邪烏梅解熱毒斂正氣可知辟邪解毒之功洵不尋常其垂功於後世也普矣其後小方如浮萍治風毒水氣梅葉桃葉解毒殺蟲蒼耳去毒出斑蓼能下水除腫藍善殺蠱疰毒蛇莓專治蛇虺諸毒不必執拘隨其便而取用可也

又方

浮萍艸曝乾爲末酒服方寸匕

又方

梅葉桃葉搗絞取汁三升許或乾以少水絞取汁飲之小兒不能飲以汁傅乳頭與之

又方

搗蒼耳汁服一升又以綿裹杖沾汁導下部日

三瘥

又方

搗蓼一把以酒和絞取汁一升飲之不過三服

瘥

外臺肘後作梨葉

又方

搗鹽一把水解以塗浴面目身體令遍

又方

搗蛇莓根爲末水飲之并導下部生者用汁凡



夏月行常多齋此藥屑入水以方寸匕投水上  
流無所畏又辟射工凡洗浴以少許投此盆中  
卽無毒

治猫鬼野道病歌哭不自由方

五月五日白死赤蛇燒作灰以井花水服方寸  
七日三

又方

臘月死猫頭燒灰水服一錢七日二

鍼灸方見別卷中

治猫鬼眼見猫狸及耳雜有所聞方

相思子

草蘇子

巴豆

各一枚

硃砂末

二銖

蠟

四銖

右五味合擣爲丸先取麻子許大含之卽以灰圍  
患人前頭著一斗灰火吐藥火中沸卽畫火上作  
十字其猫鬼並皆除矣

衍義拘於鬼神者不可以言至巧猫鬼之病似屬誕妄  
千金雖言之鑿鑿子衍方時略不加詳近有醫師  
令人以生猫胎治痘甫五日宰猫之人與噉猫胎  
者俱斃乃知俗有死猫埋土觸之動煞非妄方用  
赤蛇陰毒之物辟之死猫同氣之物壓之二者急



不可得則以相思子之通達陰陽草葎子之拔毒  
外出巴豆之蕩練臟腑硃砂之殺鬼精物蜂蠟之  
解毒和中共襄辟除之功始信若人之無幽不燭  
也匝月間其醫亦患腹脹身黃頭汗呃逆妄言妄  
見而逝因識此以為賊害生靈之鑑噫非方之不  
具也第孽識之患豈藥石之可療乎

治蛛蛛咬毒方

人屎傅又油淀傅又炮薑貼之又獼猴屎傅之  
又方

麻油和胡粉如泥塗上乾則易之

治馬嚙人及踰人作瘡毒腫熱痛方

馬鞭稍長二寸

鼠屎二七枚

右二味合燒為末以猪膏和塗之立愈外臺方云治遂成瘡

爛經久不愈者肘後方云用馬鞭皮燒末猪膏和塗

治馬嚙人陰卵脫出方

推內入以桑皮細作線縫之破烏雞取肝細剉  
以封之且忍勿小便即愈

治牛馬嚙及馬骨刺傷人及馬血入舊瘡中方

取灰汁熱漬瘡常令汁器有火數易汁勿令爛  
人肉三數日漬之有腫者炙石熨之日二消止



治馬血入瘡中方

服人糞如雞子大復以糞傅瘡上

又方

取婦人月水傅之神良

治剝死馬馬骨傷人毒攻欲死方

卽取馬腸中屎塗之大良

義術

牛馬温疫傳染而死必有毒癘之氣觸之尚且爲害况骨傷人其毒乘隙入犯乎急救之法卽以本馬之穢惡攻人身穢惡之毒同氣相感以解之也推而廣之剝瘟牛傷本牛之屎未嘗不可以取法

爲治也

治馬汗馬毛入人瘡中腫痛欲死方

以水漬瘡數易水便愈又以石灰傅之

又方

飲醇酒取醉卽愈

又方

燒鷄毛作末以酒服方寸匕

又方

以沸湯令得所浸洗之卽瘥

論曰凡春末夏初犬多發狂必預防之防而不免者



莫出於灸百日之中一日不闕者方得免難若初見瘡癢痛定卽言平復者此最可畏大禍卽至死在旦夕凡狂犬咬人著訖卽令人狂精神已別何以得知但看灸時一度火下卽覺心中醒然惺惺了了方知咬已卽狂此病至重世皆輕之不以為意坐是死者嘗年有之吾初學醫未以為業有人遭此將已見問吾了不知報答以是經吾手而死者不一自此銳意學之一解已來治者皆愈方知世無良醫枉死者半此言非虛故將來學者非止此法餘一方皆須沉思畱心作意慇懃學之乃得通曉莫以初解一二種法卽謂知訖極自誤也

凡狗犬咬人七日輒應一發三七日不發則脫也要過百日乃得免耳每到七日輒當搗韭汁飲一二升又當終身禁食犬肉蠶蛹食此卽發死不可救矣瘡未愈之間禁食生魚及諸肥膩冷食但於飯下蒸魚及肥器中食便發不宜飲酒能過一年乃佳集驗方云若重發者生食蟪蛄鱸絕良亦可燒炙食之不必令其人知初得嚙毒便為之則於後不發也

### 治狗犬毒方

頭髮

蝟皮

各等分

右二味燒灰水和飲一杯服之口噤者折齒內藥



又方

搗地榆絞取汁塗瘡無生者可取乾者以水煮汁飲之亦可為末服方寸七日三兼傳上過百日止

又方

搗韭絞取汁飲一升日三瘡愈止亦可治愈後復發者

又方

刮虎牙若骨服方寸七小品方云刮狼牙或虎骨末服已發狂如獬犬者服即愈

又方

燒虎骨傅瘡及灸又微熬杏仁搗研取汁服之良又取燈盞殘油灌瘡口皆禁酒猪肉生菜

又方

用韭根一握故梳二枚水二升煮取一升頓服

又方

桃東南枝白皮一握水二升煮取一升分二服吐出犬子

又方

取獬犬腦傅上後不復發



又方

蝦蟆灰以粥飲服之

又方

服菘蓂子七枚日一

又方

梅子末以酒服之

又方

以豆醬清塗之日三四

治狂犬吠人方

蛇脯一枚炙去頭搗末服五分七日三又燒末

又內瘡孔中

又方

搗菘蓂根和鹽傅日三

又方

青布浸汁服三升

又方

取驢尿一二升飲之

治凡犬嚙人方

熬杏仁半升令黑研成膏敷之

又方



取竈中熱灰以粉瘡帛裹繫之

又方

鼠屎為末臘猪膏和傅之外臺方云鼠一枚猪膏煎傅之

又方

飲生薑汁一升小品方云治狂犬咬韭汁亦佳外臺方云亦治已瘡

後復發者

又方

水洗瘡任血出勿止之水洗不住取血自止以

綿裹之瘡

又方

以沸湯和灰塗瘡上

又方

燒犬尾為末傅瘡日三

又方

以頭垢少少內瘡中

又方

火炙蠟以灌瘡中

又方

以熱牛屎塗之佳

又方



以苦酒和灰塗瘡中

義衍

獬犬熱毒發狂多由食噉蛇虺所致犬性走腎犯其毒者必攻小便毒漸成形末由而出故必致死乘毒未成形時急取髮灰專治五癰關格不通之藥佐以蝟皮治五痔陰蝕下血之物相牽而蕩滌之也 其後零星小方韭汁薑汁散血辟邪虎骨虎牙辟除惡毒蝦蟆灰治陰蝕疽癰惡瘡肘後方用蝦蟆生食先於頂門拔去血髮則小便出沫菘菖若攻毒破結本艸言多食令人狂走故取以治狂毒蛇脯以毒攻毒取其善竄孔穴杏仁熬黑專滌

垢膩結血炙蠟灌瘡拔毒外出其餘治法以意逆之

灸法

凡獬犬所嚙未盡其惡血毒者灸上一百壯已後當日灸一壯若不血出刺出其血百日灸乃止禁飲酒及猪犬肉

治猪嚙方

松脂煉作餅上貼之

又方

以屋霤中泥塗



千金方行書卷三十五  
諸般傷損第三

論一首

方九十二首

論曰凡被打損血悶捨心氣絕不能言可擘開口尿  
中令下咽卽醒又墮車落馬及車碾木打已死者以  
死人安著以手袖掩其口鼻眼上一食頃活眼開與  
熱小便二升

治被打擊頭眼青腫方

炙肥猪肉令熱搗上

肘後方云治血聚  
皮膚間不消散者

又方

墻上朽骨唾於石上研摩塗之乾卽易

又方

炙猪肝貼之

又方

新殺羊肉乘熱封之

又方

大豆黃為末水和塗之

衍義

鬪毆顛仆諸傷悶絕不醒者急以熱尿儘力灌之

以治內外諸傷被壓氣閉不通者掩其口鼻無使  
氣散俟其氣還卽活次以小便救之青腫在外者  
猪肉猪肝朽骨羊肉等治總取血肉以和其傷用  
大豆黃卷者以本經有濕痺筋攣膝痛除胃氣結



積益氣解毒諸治且能解散風毒也

治被打傷破腹中有淤血方

蒲黃 一升

當歸

桂心 各二兩

右三味治下篩酒服方寸七日三夜一

衍義蒲黃散血當歸活血桂心溫血酒服和血也

又方

劉寄奴

延胡索

骨碎補 各一兩

右三味咬咀以水二升煎取七合復內酒及小便

一合溫熱頓服

衍義劉寄奴破血延胡索止痛骨碎補療骨節之傷以

其能祛風解毒破血止痛也

又方

廬蟲

蝨蟲

水蛭 各三枚

桃仁 五十枚

桂心 二兩

大黃 五兩

右六味咬咀以酒各五升煮取三升分五服

衍義被傷瘀結不散故用抵當湯加廬蟲桂心水酒和

煎以破之此攻血猛劑血結在裏喘逆腹脹無問

新久皆可用之

又方

生地黄汁三升酒一升半煮取二升七合分三



服肘後方治從高墮下瘀血脹心面青短氣欲死

衍義此治稟氣素弱不勝攻擊者則以生地黃和酒導而散之鮮者尤妙如無鮮者用乾地黃酒浸搗絞藉酒以行其滯也

又方

葇蓉子爲末傅瘡上

衍義葇蓉性稟陰毒走而不守專用以散蓄積之血

白馬蹄散 治被打腹中瘀血并治婦人瘀血化血爲水方

白馬蹄燒令烟盡搗篩酒服方寸七日三夜一

衍義馬蹄善辟鬼氣惡毒蠱疰不祥借此以破瘀結也

治被毆擊損傷聚血腹滿煩悶方

豉一升以水三升煮三沸分再服不瘥重作更取麻子煮如豉法不瘥更煮豉如上法

衍義損傷血聚腹滿煩悶用香豉煮服以解毒邪內攻

不但可治虛煩實煩亦得用之不瘥用麻子仁者取其滋潤服之作瀉以下奪之也服之更不瘥者恐有風氣暗襲仍煮豉汁解之或用酒煮以和其血卽大豆紫湯法也

治有瘀血其人喜忘不欲聞人聲胸中氣塞短氣



方

甘艸 一兩

茯苓 二兩

杏仁 五十枚

右三味咬咀以水二升煮取九合分二服

衍義

瘀血不用桃仁而用杏仁者取其辛溫專散胸中

氣塞兼行氣中血滯熬黑則能破血大陷胸丸法

也甘艸以和寒熱之邪茯苓以治心下結氣不使

正氣耗散耳

治從高墮下傷折疾痛煩躁蹄叫不臥方

取鼠屎燒末以猪膏和塗痛上急裹之

治從高墜下及為木石所走或因落馬凡傷損血

瘀凝積氣絕欲死無不治之方

取浮土五升蒸令溫分半以故布數重裹之以

熨病上勿令大熱恐破肉冷則易之取痛止即

已凡有損傷皆以此法治之神效已死不能言

者亦活

治墮車馬間馬鞍及諸物隱體肉斷方

以酢和麩塗之

衍義

鼠屎入厥陰血分故可和傷損之病 浮土蒸濕

熨傷處取溫暖之氣以和血氣也分半者留半另

蒸更迭而熨令暖氣續通方用獲效 麩取止血



醋取收斂以散青紫腫痛

當歸散 治落馬墮車諸傷腕折臂脚痛不止方

當歸

桂心

蜀椒

附子

各二分

澤蘭

一分

芎藭

六分

甘艸

五分

右七味並熬令香治下篩酒服方寸七日三凡是

傷損皆服之十日愈小兒亦同

救急方云治墮馬落車被打傷腕折

叫喚痛聲不絕服此散呼吸之間不復大痛十三日骨筋相連

衍義

芎歸和血止痛桂附温肉散結蜀椒下氣散邪逐

骨節皮膚死肌寒熱痺痛澤蘭治金瘡癰腫破宿

血行經絡甘艸解毒消腫并和病氣藥氣也

黃芪散 治腕折方

黃芪

白芍

各三兩

當歸

乾地黄

附子

續斷

桂心

乾薑

通艸

各二兩

大黃

一兩

烏頭

半兩

蜀椒

一合

右十二味治下篩先食酒服五分七日三

千金翼無大黃

衍義

卽取前方之桂附椒歸加芪芍地黄以和營血乾

薑烏頭以助温散續斷以續絕傷通艸以通滯氣

大黃以開淤血之去路也



治折骨斷筋方

乾地黄

當歸

羌活

苦參

各等分

右四味治下篩酒服方寸七日三

衍義

折骨斷筋而用羌活苦參其義何居蓋筋傷則風乘虛藉骨傷則濕乘虛藉風濕相搏則為熱為腫故以羌活祛風散熱苦參逐濕除腫地黄滋血和傷當歸和血止痛也

治腕折骨損痛不可忍方

以大麻根及葉搗汁飲一升無生麻煮乾麻汁

服亦主墜墮搥打瘀血心腹痛短氣

衍義

大麻根能祛毒風散惡血腕傷骨損可以之和之然折久氣血凝滯恐難獲效

治被傷筋骨方

取蟬頭中腦及足中髓內瘡中筋是續生

衍義

蟬性散血故能續筋須乘初傷血氣流動時用之有效推而廣之則筋蹉了戾用生蟬黃塗之未嘗不合於治也

治腕折四肢骨碎及筋傷蹉跌方

生地不限多少熟搗用薄所損傷處

肘後方云小品方爛

掃葉山房



搗熬之以裏傷處以竹片夾裏令徧縛令急勿令轉動一日可十易三日瘥血聚在折處以刀去血

義衍

生地黄必取鮮者方能散血若用乾者須用酒漬方可和傷止痛

治四肢骨碎筋傷蹉跌方

以水二升漬鼓三升取汁服之

義衍

鼓能祛風散熱蹉跌筋傷而被風腫脹者最為合宜若骨碎不若鹿角散為的

鹿角散 治同前

鹿角搗篩酒服方寸七日三

義衍

鹿角生剉為末則散熱消腫通行血脈角者骨之餘故治骨碎有效

又方

將筋骨傷初破時以熱馬屎傅之無癢

義衍

馬尿解毒而散風腫故傅之癢滅

又方 大豆二升水五升煮取二升以醇酒六七升合

和豆汁服之一日盡如湯沃雪時後云治墮逆

亦佳

義衍

大豆水煎和酒服之即水漬鼓之變法其祛風解



毒消腫止痛之功與大豆紫湯不殊  
又方

羊腦 一兩

髮灰

胡粉

胡桃脂 各半

右四味搗和調如膏傅上以生布裹之

義衍

羊腦治頭腦風髮灰散竅隊血胡粉止痛生肌胡  
桃脂和傷活血外用之良法

治頭破腦出中風口噤方

大豆一升熬去腥勿使太熟搗末熟蒸氣逼合  
甑下盆中以酒一斗淋之溫服一升覆取汗傅

杏仁膏瘡上

義衍

黑大豆淋酒卽大豆紫湯法

大豆紫湯 治破傷風入四體角弓反張口噤不

能言或產婦墮胎凡得此者大重不過五劑 方見

第三卷婦人  
產後中風門

膠艾湯 治丈夫從高墮下傷五臟微者唾血甚  
者吐血及金瘡傷經崩中皆主之方

阿膠

艾葉

乾薑 各二兩

芍藥 三兩

右四味咬咀以水八升煮取三升去滓內膠令消



分二服羸人分三服兼主女人產後崩傷下血過多虛喘腹中絞痛下血不止者服之悉愈

衍義此於金匱芎歸膠艾湯中摘去三味加乾薑溫散結血并和芍藥之酸寒也

大膠艾湯 治男子傷絕或從高墮下傷五臟微者唾血及金瘡傷經者方

阿膠

艾葉

甘艸

當歸

芎藭

乾薑

芍藥

地黃

右八味以水八升煮取三升去滓內膠令烊

分再服羸人分三服此湯治婦人產後崩傷下血

過多虛喘欲死腹中急痛下血不止者神良

衍義即於金匱芎歸膠艾湯中更加乾薑輔艾以溫血

即前膠艾湯合四物湯更加甘艸以和寒熱之性

耳

竹皮湯 治為兵杖所加木石所逆血在胸背及

脇中痛不得氣息方

青竹茹

亂髮灰

各如雞子大二枚

右二味於炭火上炙令焦燥合搗下篩酒一升煮

三沸一服盡之三服愈



義衍 身為木石所逢兵杖所加而蘊熱故用竹茹以治  
煩熱胃逆髮灰以散畜血也

治墮馬落車顛仆崩血腹滿短氣方

大豆五升以水一斗煮取二升去豆一服令盡  
劇者不過三作

義衍 亦即大豆紫湯之義但水煮酒淋稍為不同

治墮落車馬同心腹積血吐唾無數方

乾藕根為末以酒服方寸七日三如無取新藕  
搗汁服之

義衍 乾藕酒服和傷散血之最純良者也

桃仁湯 治從高墮下落大木車馬間胸腹中有  
血不得氣息方

桃仁

十四枚

大棗

二十枚

大黃

硝石

甘艸

各二兩

蒲黃

一兩半

右六味咬咀以水三升煮取一升絞去滓適寒溫  
服盡之當下下不止漬麻汁一杯飲之即止

義衍

於桃核承氣湯中退芒硝而用硝石退桂心而用

蒲黃雖大展神通移寒變熱而功用一揆乃南陽

先師法外之法加大棗以運脾津行藥力仍不出

南陽先師法中之法也



又方 治腹中瘀血痛在腹中不出滿痛短氣大  
小便不通方

桃仁

麤蟲

各三枚

荆芥

五分

大黃

芎藭

各三兩

當歸

桂心

甘艸

各二兩

蒲黃

五兩

右九味咬咀以水一斗煮取三升分三服

衍義

破瘀諸湯莫如桃仁承氣抵當下瘀血三方最為  
喫緊此於桃核承氣採用其四抵當湯中採用其  
二下瘀血湯全用其三既有麤蟲可無藉於水蛭  
既非堅積可無取於芫硝加荆芥芎藭蒲黃當歸

緩散其血以和上藥之迅也

又方 治墮落瘀血方

桃仁

五十枚

水蛭

蟲蟲

各十枚

甘艸

桂心

當歸

各二兩

芫硝

三兩

大黃

四兩

右八味咬咀以水八升煮取三升絞去滓適寒溫  
服一升日三深師方無芫硝

衍義

兼并桃核承氣抵當湯九加當歸以和血止痛攻  
血之峻劑也

治腕折瘀血方



桃仁 四十枚

亂髮 一握

大黃 如指節大一枚

右三味以布方廣四寸以繞亂髮燒之咬咀桃仁

大黃以酒三升煮取一升頓服血盡出肘後方云仲景治墜

馬及一切筋骨損方用大黃三兩緋帛如手大燒  
灰亂髮如雞子大燒灰又用炊單布一尺燒灰桃  
仁四十九枚去皮尖熬敗蒲席一握長三寸切甘  
草一枚如中指節右七味以童子小便量多少煎  
湯成內酒一大盞次下大黃去滓分溫三服先別  
挫敗蒲席半領煎湯以浴衣被重覆服藥斯須通  
利數行痛楚立瘥利及  
浴水赤勿怪即瘥血也

又方

桃仁 六十枚

大黃 六兩

桂心 二兩

右三味咬咀以水六升煮取三升分三服當下血

瘥

義此係金匱雜療門中治墜馬及一切筋骨損方於

中裁去緋帛炊單布敗蒲甘艸四味取用大黃桃

仁亂髮三味即下瘀血湯去桂易髮之制雖同具

破瘀之功用而馴良險峻懸殊總不出金匱緩急

之妙用 後方採取桃核承氣三味即下瘀血湯

退廡進桂之制也

蒲黃散 治從高墮下有瘀血方

蒲黃 八兩

附子 一兩

右二味治下篩酒服方寸七日三不知增之以意



消息

衍義蒲黃生消瘀血熱則止血附子生者破結熱者溫  
血血凝日久不散者宜之

又方 治腕折瘀血方

蒲黃 一升 當歸 二兩

右二味治下篩先食酒服方寸七日三

衍義蒲黃得附子則銳得當歸則和更一輔佐而功用

天淵

又方

蟲蟲 二十枚 牡丹 一兩

右二味治下篩酒服方寸七血化為水備急方云主久宿血

在諸骨節及不去者二味等分

衍義以噉血之物攻血兼取牡丹引未敗之血歸經也

又方

取菴藷艸汁飲之子亦可服

衍義菴藷治本經五臟瘀血腹中水氣腹脹發熱血化為水之專藥

又方

凡被打及產後惡血一切血皆煮續骨木汁二升飲之



衍義續骨木至賤之品能主折傷續筋骨和血止痛弛筋之要藥但氣味腥濁僅可為藜藿取用耳  
從高墮下崩中方

當歸

大黃各二分

右二味治下篩酒服方寸七日三

衍義血結在裏而腹脹喘滿者此方最宜

治杖瘡方

石灰

七斤

新豬血

一升

右二味和丸熟燒之破更丸燒三遍止為末傅上

又方

釜月下土為細末以油和塗訖臥羊皮上

又方

服小便良

衍義

石灰專化歹肉猪肉專散惡血乃初受杖時去腐

之峻藥

伏龍肝以溫散滯血臥羊皮以助溫暖

氣氣血虛寒而肌肉不長者宜之 小便治一切

傷損血瘀血脫無所不宜

治竹木刺在皮中不出方

羊屎燥者燒作灰和豬脂塗刺上若不出重塗

刺出時用乾羊屎末



又方

薔薇灰水服方寸七日三服十日刺出

又方

酸棗核燒末服之

又方

鑿柄燒灰酒服二寸匕

又方

頭垢塗之即出

治刺在肉中不出方

煮山瞿麥汁飲之日三瘥止

又方

用牛膝根莖生者併搗以薄之即出瘡已合猶出也

又方

白茅根燒末以膏和塗之亦治瘡因風致腫者

又方

鹿角燒末以水和塗之立出久者不過一夕

又方

嚼白梅以塗之

肘後方  
用烏梅

又方



嚼豉塗之

又方

溫小便漬之

治久刺不出方

服王不留行即出兼取根為末貼之

治惡刺方

苦匏開口內小兒屎煮兩三沸浸病上

又方

黃芩根水煮浸之冷復易神方也

又方

李葉棗葉合搗絞取汁點上即效

又方

濃煮大豆汁漬取瘡

治惡刺并狐尿刺方

以烏父驢尿漬之

又方

溫白馬尿漬之

治因瘡腫痛劇者數日死或中風寒或中水或中

狐尿刺主之方

燒黍穰牛馬屎生桑條取得多煙之物燒熏汁

千金方卷之五 掃葉山房



出愈

又方

熱蠟內瘡中新瘡亦善

又方

以鳧公英艸摘取根莖白汁塗之多塗為佳瘡止

衍義

出刺諸方本無專主但取潤澤利竅及塗穢物以激之使刺隨穢出諸法彙次隨所便而用之可也

治瘡中水腫方

白灰

胡粉

炭

各等分

右三味脂和塗瘡孔上水出痛止

治手足卒中刺中水毒方

搗韭及藍青置上以火炙熱徹即愈

治瘡因風致腫方

櫟木根一斤濃煮內鹽一把漬之

治破傷風腫方

厚塗杏仁膏燃麻燭遙灸之

治因瘡腫痛者皆中水及中風寒所作腫入腹則

殺人方

溫桑灰汁漬冷復溫之當令熱神祕



治刺傷中風水方

服黑牛熱屎一服二升三服即止

又方

蠟一兩熱炙熨薄裏上冷水出愈

又方

魚目燒灰傅之

又方

熱煮韭搗之

又方

刮箭羽下漆塗之

治瘡犯露腫方

凡八月九月中刺手足犯惡露腫殺人不可輕

生桑枝三枚內燂灰中推引令極熱斫斷正以枝頭柱瘡口上熱盡即易之盡三枚則瘡自爛仍取薤白搗綿裹著熱灰中使極熱去綿取薤白薄瘡上以布帛急裹之若有腫者便作用薤白最佳

衍義

灰炭胡粉皆去腐散腫收濕之藥 韭能散血藍

能解毒火炙令熱以通水濕之氣 櫟去風毒鹽

導水氣 杏仁消腫 桑灰利水 牛屎下水

黃蠟解毒 魚目收濕 韭葉散血 漆能化癩



箭羽下者取其迅速之義。桑枝得風露之氣最多故取炙熱以透風露之毒兼取薤白泄滯氣散腫毒也

治漆瘡方

生柳葉三斤細切以水一斗五升煮取七升適

寒温洗之日三

肘後方云老柳皮尤妙

又方

以磨石下泔泥塗之取瘥止大驗

又方

濃煮鼠查葉以洗漆上亦可搗葉取汁塗之

又方

爛搗七姑草封之

救急方云七姑草和芒硝塗之

又方

取猪膏塗之

又方

貫衆爲末以塗上乾以油和之即愈

又方

蓮葉燥者一斤以水一斗煮取五升洗瘡上日

二

又方



羊乳汁塗之

又方

礬石煮湯中令消洗之

又方

芫硝五兩湯浸以洗之

又方

宜噉猪肉嚼稞穀塗之

行義

漆稟濕熱之毒故能傷人以其人素有濕熱同氣相感之應也 柳葉殺毒蟲蟲乃濕熱所化殺蟲則去濕之義 鼠查葉七姑艸貫衆末皆能散血

解毒

蓮葉得清震之氣最解濕熱

礬石收濕

芫硝散血

猪膏羊乳皆取滋血

猪為水獸

性稟濕熱而能通濕熱之毒故宜噉其肉塗稞穀云

火瘡等證第四

論二首 方六十九首

論曰凡火燒損慎勿以冷水洗之火瘡得冷熱氣更深轉入骨壞人筋骨難瘥初被火燒急向火更灸雖大痛強忍之一食久即不痛神驗治火燒悶絕不識人以新尿冷飲之及冷水和蜜飲之口噤撬開與之然後以下方治之



治火瘡方

梔子 四十枚

白斂

黃芩 各五兩

右三味咬咀以水五升油一升合煎令水氣歇去滓待冷以淋之令溜去火熱毒則肌得寬也作二日任意用膏傅湯散治之

又方

熬油麻為末和梔子仁塗之惟厚為佳若已成瘡者燒白糖灰粉之即燥立瘥

治火燒瘡方

死鼠頭一枚以臘月猪膏煎令消盡以傅乾即

傅之瘥亦治小兒火瘡

治火瘡敗壞方

柏白皮切以臘月猪膏合淹相得煮四五沸色變去滓傅瘡上 肘後方云用柳白皮

又方

柏白皮

蛇銜

生地黃

梔子仁

黃芩

苦竹葉 各等分

右六味咬咀以猪膏一斤半煎三上三下去滓冷以傅之 藥驗方用生地黃四兩

又方



以榆白皮嚼熟塗之

治湯沃人肉爛壞方

杏仁

附子 各二兩

甘艸 一兩

羊脂

松脂 雞子大

右五味咬咀以不中水猪膏五兩煎塗之

衍義

火傷更宜向火以通其熱慎不可用水洗得冷則火鬱不散與中暍之宜熱土忌冷飲同義治法首

取芩梔白斂散火消腫油煎淋法最妙 油麻梔

子能解火毒 燒白糖灰收肌肉間火毒也 臘

猪膏熬鼠頭煎傅取亥子而制丙丁與今人用小

鼠油浸塗火瘡同意 柏白皮解火毒得蛇銜地

黃等藥味以協濟之 柏白皮兼甘艸竹葉猪脂

煎塗亦治火瘡 榆白皮性滑利竅泄熱止痛

湯沃肉爛較之火瘡又多濕著之患故用杏仁橫

行散氣附子從治泄火羊脂透經絡風松脂燥肌

肉濕甘艸解熱毒腫也

灸瘡

灸及湯火所損晝夜啼呼止痛滅癥方

羊脂

松脂 各二兩

猪膏

蠟 各一分



右四味取松脂破銚中切脂嚼蠟著松脂上少傾  
銚火令滓皆消以杯承汁傳之

治灸瘡方

甘艸

當歸

各二兩

胡麻

外臺用胡粉

羊脂

各六分

右四味咬咀以猪膏五合煎去滓傳之

又方

松脂

五兩

蠟

三兩

右二味合煎塗紙貼之日三

又方

取車軋脂塗上

又方

凡灸瘡不瘥日別灸上六七壯自瘥

治灸瘡腫痛急方

擣竈下黃土以水和煮令熱漬之

治灸瘡中風冷腫痛方

但向火灸之瘡得熱則瘡快至痛止日六七灸

愈

薤白膏 治灸瘡生肉止痛方

薤白

當歸

各二兩

白芷

一兩



羊髓 一斤

右四味咬咀合煎以白芷色黃藥成去滓傅之

三

又方 治灸瘡膿壞不瘥方

薤白 一握

胡粉

石灰

各一兩

臘月猪膏 一升

右四味先煎薤白令黃去之綿裹石灰煎數沸去

之次入胡粉內膏中令調塗故布貼上日三

又方

石灰一兩搗篩猪脂和令相得微火上煎數沸

以暖湯先洗瘡訖以布裹灰熨瘡上灸之又搗

薤白傅之

又方

白蜜 一兩

烏側骨

二枚一方  
作一兩

右二味相和塗之

治鍼灸瘡血出不止方

燒人屎灰傅之

又方

死蛻螂為末以猪脂和塗之

艾火循經入傷血脈無關腑臟故但需外敷無關

衍義



內治如傅用羊脂透經絡風猪膏滋榮衛血松脂  
祛肌膚濕蜂蜜解一切毒之類又以甘艸當歸胡  
麻輔佐羊脂以及薤白當歸白芷輔佐羊脂皆取  
和血散滯之意又以脂和灰熨拔毒散腫蜜和烏  
鰂解毒散血脂和蜣螂拔毒外出餘法以意逆之  
可也

金瘡

論曰治金瘡者無大小冬夏及始初傷血出便以石  
灰厚傅裹之卽止痛又速愈若瘡甚深未宜速合者  
內少滑石令瘡不時合也凡金瘡出血其人必渴當  
忍之噉燥食并肥膩之物以止渴慎勿鹹食若多飲  
粥及漿犯卽血動溢出殺人又忌盛怒大言笑思想  
陰陽行動作勞多食酸鹹飲酒熱羹臠輩瘡瘻後猶  
爾出百日半年乃可復常也

治金瘡大散方

五月五日平旦使四人出四方各於五里內採  
一方艸木莖葉每種各半把勿令漏脫一事日  
正午時細切確搗并石灰極爛熟一石艸斷一  
斗石灰先鑿大實中桑樹令可受藥取藥內孔  
中實築令堅仍以桑樹皮蔽之以麻搗石灰極



密泥之令不泄氣又以桑皮纏之使牢至九月九日午時取出陰乾百日藥成搗之日曝令乾更搗絹篩貯却凡一切金瘡傷折出血登時以藥封裏治使牢勿令動轉不過十日卽瘥不腫不膿不畏風若傷後數日始得藥須暖水洗令血出然後傅之此藥大驗平時無事宜多合以備倉卒金瘡之要無出於此雖突厥質雄黃末未能及之附後方云用百艸心五月五日作七月七日出

又方

燒乾梅爲炭搗末傅之一宿卽瘥亦治打傷

又方

磁石搗末傅之止痛斷血

又方

取桑白汁塗桑白皮裹之或石灰封之妙

又方

麻葉三斤以水三升熟煮取二升爲一服

又方

飲麻子汁數升

小品方云治毒箭所傷

又方

蚯蚓屎以水服方寸七日三



又方

杏仁石灰為細末以猪脂和封之亦十犬馬金瘡大良

治金瘡血出不止方

煮桑根十沸服一升即止

又方

搗車前汁傅之血即絕連根取用亦效

又方

柳絮封之

又方

以蜘蛛幕貼之血即止

又方

飲人屎五升愈

術義

石灰得火之餘烈故能辟除陰毒金瘡傅之可無風氣內侵之虞但不可著水著水即爛肉傷筋不可不慎若所傷深甚宜內滑石取滑能利竅不致瘡口乾結重復內潰也宜噉燥食以固血氣肥膩以滋津液慎鹹食粥漿以鹹走血粥助濕及思想勞動飲酒食熱鼓動血脈尤為切禁石灰慄悍草汁制之更內桑樹中兼濟祛風化濕之功以建止血生肌之勩宜為金瘡之首推其餘小方梅灰止



血 磁石斷血 桑汁桑皮裹血 麻葉散血  
麻仁潤血 蚯蚓土解熱腫 杏仁石灰散腫痛  
桑根汁和血氣 車前汁通津液 柳絮壁錢  
掩傷 人尿降火 上皆金瘡初傷之治  
內補散 治金瘡出血多虛竭方

菴蓉 芍藥 甘艸 各四兩

蜀椒 三兩 乾薑 二兩 當歸

川芎 桂心 黃芩

吳茱萸 人參 黃芪

厚朴 各一兩 白芨 古今錄驗作桑白皮

右十四味治下篩酒服方寸七日三

衍義

生肌長肉全賴氣血和煦故用參芪甘艸以固氣  
芎歸芍藥以和血桂薑椒萸以溫中菴蓉白芨滋  
精止血厚朴黃芩泄滯消腫旺氣散而正氣安矣  
又方

當歸 三兩 乾薑 三兩 芍藥

辛荑 各五分 甘艸 二分

右五味治下篩酒服方寸七日三夜一

衍義

此方專主虛風襲入故取辛荑利竅之品入於溫  
血藥中竅利則風火熄而無焮痛之患矣



治金瘡內漏血不出方

牡丹皮為末服三指撮立尿出血

衍義牡丹皮引血歸經能使不歸經之血從溺而散已

上三方皆去血過多之治

治金瘡內漏方

還自取瘡中血著杯中水和服之愈

又方

蒲黃 二兩

七月七日麻勃 一兩

右二味為末酒服一錢七日三夜二

二物湯 治金瘡腹中瘀血方

大麻子 三升

大蔥白 二七枚

右使數人各搗令熟著水九升煮取一升半頓服

若血出不盡腹中有膿血更合服當吐膿血

衍義觸動瘡口而血漏不止則以瘡中血和水服之

風入瘡口而血腫不散則以蒲黃麻勃主之血出

不止蒲黃炒黑用之 風入瘡口血瘀腹中則以

麻子葱自主之血出不盡更作滿灌以涌吐之上

皆血出不止之治

內塞散 治金瘡方

黃芪

當歸

芎藭



白芷

乾薑

黃芩

芍藥

續斷各二兩

附子半兩

細辛一兩

鹿茸三兩

右十一味治下篩先食酒服五分七日三稍增至方寸七

治金瘡煩滿方

赤小豆一升以苦酒漬之熬令燥復漬滿三日令色黑服方寸七日三

治金瘡苦痛方

楊木白皮熬令燥為末服方寸七日三又以傅

瘡愈

治金瘡苦刺痛不可忍百治不瘥者方

葱一把以水三升煮數沸取漬洗止痛良

治金瘡煩痛大便不利方

大黃

黃芩

右二味為末蜜和為丸如梧子大先食服十九日

三

衍義

前內補散補中氣之虛寒此內塞散塞腎氣之罅漏方中黃芪實衛氣鹿茸補督脈專為外垣不固而設乾薑助脾陽附子益少火專為四末欠溫而



設芎歸芍藥專為營血不調而設芩芷細辛專為  
虛風入犯而設續斷一味專為筋骨傷損而設并  
取鼓舞諸藥之力 其餘小豆散火 白楊消腫  
葱洗止痛 大黃黃芩泄熱 皆傷久不瘥遂寒  
熱虛實之治

續斷散 治金瘡中筋骨方

續斷 五兩

細辛

蛇銜

地榆

乾地黄 各四兩

當歸

芍藥

芎藭

菴蓉 各三兩

人參

甘艸

附子 各二兩

乾薑

蜀椒

桂心 各一兩半

右十五味治下篩酒服一方寸七日三

術義

此筋骨並傷脾腎兩虛之治因取內補散中菴蓉  
椒桂人參甘艸內塞散中續斷附子細辛兩方之  
中兼用乾薑芎歸芍藥但參入蛇銜以治金瘡風  
腫地榆以散血中火毒乾地黄以療折跌筋傷三

方鼎峙

治金瘡腸出方

磁石

滑石

鐵精 各三兩

右三味為末粉腸上後用磁石末飲服方寸七日



五夜一腸即入

又方

取人屎乾為末粉腸即入

治被傷腸出不斷者方

肘後方云治腸出欲燥而艸土著腸者

作大麥粥取汁洗腸推內之常研米粥飲之二

十日稍稍作強糜百日後可瘥

行義

腸出不可稍懈急須鎮攝以斂固之鎮攝無如鐵

精斂固無如磁石用滑石者取其滑澤利竅可無

艱澀之虞內服磁末子母相招手足相援莫切於

此 又用屎末粉腸以通腸中之穢亦取同氣相

感之義 大麥能消腸中滓穢故煮取汁以滌除

所沾之物且借穀氣以助其力

地黃膏 治金瘡火瘡灸瘡不能瘥者方

生地

一升切搗絞取汁三合

薰陸香

松脂

杏仁

蠟 各二兩

羊腎脂

五合

烏麻油

二升

石鹽

一兩研如粉

右八味先下蠟微火令消次內羊脂令消次下油

次下松脂次下杏仁次下薰陸次下生地汁次下

石鹽以微火煎令生地汁水氣盡以綿濾停凝一

切諸瘡初傷皆用傅之日三夜二慎生冷猪雞魚



肉此膏治瘡法先除惡肉不著痂先從內瘡乃至平復無痂不畏風不膿大妙

治金瘡血出不止方

蒲黃 一斤 當歸 二兩

右二味治下篩酒服方寸七日二

又方

取葱葉炙取汁塗瘡上即止若為婦人所驚者取婦人中衣火炙令熱以慰瘡上

又方

取豉三升熱湯漬食頃絞去滓內蒲黃三合頓

服及作大豆紫湯服之 方見第三卷婦人門

衍義地黃涼血乳香定痛松脂生肌杏仁消腫蠟補絕

傷羊脂祛風麻油解毒石鹽軟堅金瘡火瘡灸瘡通治之藥 血出不止專用蒲黃散瘀略兼當歸

和血 葱熨散血止痛豉漬蒲黃解毒散血 大

豆紫湯專祛血中風毒也

治金瘡箭在肉中不出方

白斂 半夏 等分

右二味治下篩酒服方寸七日三瘡淺十日出瘡深二十日出終不住肉中



治箭鏃及諸刀刃在咽喉胸膈諸隱處不出者方

丹皮 一分

白鹽 二分 肘後  
作白斂

右二味治下篩以酒服方寸七日三服出

治卒中箭不出或肉中有聚血方

取女人月經布燒灰屑酒服之

又方

取栝萋汁塗箭瘡上即出

又方

酒服藿麥末方寸七日三瘥

又方

煎地黃汁作丸服之百日箭出

又方

多飲葛根汁并治一切金瘡

又方

搗葛根汁飲之又葛白屑熬黃傅瘡止血

又方

煮蘆根汁飲三升

又方

貝齒末服一錢七

又方



雄黃為末傅之當沸汁出愈

又方

內鹽臍中灸之

衍義 矢的入傷不出必然腫痛故取白斂散結半夏消腫腫消漸鬆或有膿水活動便出終不住在肉中以寬慰人急性也 傷在咽喉胸膈不出則以牡丹和血散腫食鹽鹹涌以激動其上出之勢 經布灰不但散血兼杜魅術 栝萋根汁散腫續絕傷故塗之能出箭 瞿麥專行利竅故服之以出刺乃本經主治 地黃汁和血血和則箭鋒可出

葛根汁飲之大開腠裏 葛白屑傅之力能止

血 蘆根汁飲之滋胃津液胃氣流動而肌肉中

滯自不能留矣 貝齒稟堅散腫善攻身中贅疣

雄黃辟邪解毒一切惡瘡死肌皆可以除之

鹽鹹走腎內臍中灸以助腎氣之權而利周身機

竅

治中射罔箭方

藍子 五合

升麻

主不瞞行

甘艸 各八兩

右四味治下篩冷水服二方寸匕日三夜二又以



水和塗瘡乾易之

治毒箭所中方

搗藍汁一升飲之并薄瘡上若無藍取青布漬絞汁服之并淋瘡中鏃不出搗死鼠肝塗之

衍義

前方有射罔烏附諸毒故首取藍子為專藥以本經有解諸毒殺蟲蚊鬼疰螫毒諸治也佐以升麻碎除惡毒入口皆令吐出又以王不留行走血利竅功專出刺與瞿麥不殊甘艸輔藍子以解內外之毒也 藍解藥箭之毒不獨用子採葉搗汁飲之其效尤捷并以滓薄傷助其潤澤以助流動之

勢薄之不出即以鼠肝塗之以鼠善通穴而肝主竄動也

治鍼折入肉中方

刮象牙為末水和聚著折鍼上即出

又方

以鼠腦塗之

又方

磁石吸鐵者著上即出

衍義

象稟西方金氣而甲五金故其皮專主金刃所傷牙解癰腫諸毒以其堅銳洵不尋常取屑塗折鍼



即拔毒出 鼠腦之用與前鼠肝無異 磁石  
引鍼如母指子最為親切

又云

鼠腦

又云

鼠腦

又云

鼠腦

鼠腦





